





第三四冊

四庫全書

●上海古籍出版社

本冊目次

資治通鑑後編(三)

清 徐乾學撰

.....一

欽定四庫全書

史部
資治通鑑後編卷一百一

詳校官檢討臣德生

編修臣裴謙覆勘

總校官進士臣朱鈴

校對官中書臣王學海

膳錄監生臣梁清洙

欽定四庫全書

資治通鑑後編卷一百一

刑部尚書徐乾學撰

宋紀一百

起嘉祐初年正月九日
章因數十二月九日三年

徽宗體神合道毅烈邁功聖文仁德憲慈顯孝皇

帝

重和元年春正月甲申朔御大慶殿受定命寶百僚稱

賀初金主用鐵州楊樓寨即位改元矣模又言自古

欽定四庫全書

資治通鑑後編
卷一百一

英雄開國或受禪必先求大國封冊金主遂遣使如遼

丁亥遼遣耶律訥格等如金議和以蕭奉先等言許之

可以彌兵故也考異按金史太祖紀不書遣使求封冊

蓋魏其事而隱之也今據遼史天祥紀

過人例入己丑大赦應元符末上書邪中等人亦得準依無

美風姿有口辨才疎雋而寡學術然多智善佞初因何

執中薦擢校書郎遷左司諫張商英在相位寢失帝意

帝遣使以玉環賜蔡京於杭黼視知之因數條奏京所

行政事并學高英及京復相德其助已歲中三遷為御史中丞輔欲去執中使京專國遂疏執中二十罪已而改翰林學士會京與鄭居不合輔復納交居中京由是怨之徙為戶部尚書將陷以罪輔以智獲免還為學士承旨至是遂入政府 遼保安軍節度使張崇以雙州二百戶降金時東路諸州盜賊蠱起至掠民自隨以充食 二月戊辰增諸路酒價 庚午遣武義大夫馬政同高樂師等使女真講買馬舊好初樂師等兵船至

海北見女真邏者不敢前復回青州稱已入蘇州界女真不納幾為邏者所殺青州安撫使崔直躬具奏其事時政和七年八月也帝怒詔元募借補人并將校一行並編配遠惡仍委重貫措置通好女真事監司帥臣不許干預如違並以違御筆論貫更令王師中別選能吏以往政洮州人也謫官青州寓家於平師中言政可使遂用之 考異宋史徽宗紀重和元年二月庚午遣馬政由海道使女真約夾攻遼金史太祖紀天輔元年十二月亦云宋使益州防禦使馬政以圖書來其畧曰日出之分實生聖人竊聞征遼屢破勦敵若克遼之

後五代時陷入契丹漢地願昇下邑是初遼馬政即欲夾攻宋故地也李燾長編辨此為封氏編年之說未可全信云漢夾攻實自宣和二年二月四日遼趙良嗣始前此馬政及呼慶兩者所議但買馬耳若果議夾攻則政子據茅亦自序不應不載兼趙有開死政止不行獨呼慶見阿固達何緣便議夾攻不知封氏據何書當並刪去今從之金史所載國書或是不良嗣所齊撰繫之馬政且遣使在宣和元年乃金天輔二年也元年十二月安得見政所致之國書 甲戌升六安縣為六安軍 丁

丑詔監司輒以禁錢買物為苞苴饋獻者論以大不恭 遼使耶律訥格還自金金主復書曰能以凡事朕歲貢方物歸我上中京與中府三路州縣以親王公主駙

馬大臣子孫為質還我行人及元給信符并宋夏高麗往復書詔表牒則可以如約 三月丙戌詔監司郡守自今須滿三歲乃得代仍得通理 癸巳令嘉王楷赴廷對楷帝第二子也 丁酉知建昌陳井等改建神霄宮不度及科決道士詔並勒停 戊申賜禮部奏名進士及第出身七百八十三人有司以嘉王楷第一帝不欲楷先多士遂以王昂為榜首 召管勾棣州韓君文人觀劉棟赴闕 遼復使耶律訥格如金申前議也

夏四月癸丑朔藥靖夏城制戎城 錄呂餘慶後 乙

卯御筆以淮南轉運使張根輕躁妄言落職監信州酒

稅是時承平日久賜予無藝營繕並興殆無虛日以故

國用益窘帝多命臣僚條具財計於是中外所陳非一

根因而進節用之說權倖以其不利於己也莫不切齒

而大臣以賜第事謂根議已力謀所以中根者於是言

章交上而帝察根之誠不之罪也會御前人船所拘占

直達綱船以應花石之用根以上供期迫奏乞還之重

欽定四庫全書

實治通鑑後編
卷一百

忤權倖意且固被命督役竹石又上言東南花石綱之

費官買一竹至費五十緡本路尚然他路猶不止此今

不以給花園而入諸臣之家民力之奉將安所涯願示

休息之期以厚幸天下於是權倖益怒故有是命 癸

亥減操刑 己卯詔每歲以季秋親祀明堂如孟月朝

獻禮以太上混元上德皇帝二月十五日生辰為貞元

節 辛巳道錄院上看詳釋經六十餘卷內詆謗道儒

二教惡談毀詞分為九卷乞取索焚棄仍存此本永作

證驗又林靈素上釋經詆誣道教議一卷乞頒降施行

並從之 五月壬午朔日有食之 乙酉詔諸路選漕

臣一員提舉本路神霄宮 丁亥以林靈素為通真達

靈元妙先生張虛白為通元冲妙先生虛白南陽人通

太一六壬術帝召管太一宮恩賚無虛日官太虛大夫

金門羽客出入禁中終日論道無一言及時事曰朝廷

事有宰相在非予所知也帝每以張胡呼之而不名

壬辰頒御製聖濟經以青華帝君八月九月生辰為元

欽定四庫全書

實治通鑑後編
卷一百

成節 戊戌遼復遣耶律訥格使金要以酌中之議金

主遣呼都堪與訥格持書報如前約 庚戌手敕兩浙

漕司以權添酒錢盡給御前工作 六月乙卯以賢妃

劉氏為淑妃 壬申門下侍郎薛鼎奏承詔編集王安

石遺文乞差檢閱文字官三員從之 遼通祺雙遼四

州之民八百餘戶降于金金主命分置諸部擇膏腴之

地處之 秋七月壬午以西師有功加蔡京恩官其一

子鄭居中為少傅余深為少保鄧洵武為特進進執政

官一等 癸未詔蔡京鄭居中余深童貫並兼充神霄

玉清萬壽宮使鄧洵武薛昂白時中王黼蔡攸並兼充

副使 己酉遣康訪使者六人振濟東南諸路水災

遼耶律訥格等齋宋夏高麗書詔表牒至王金乃遣呼

都堪如遼免取質子及上京興中府所屬州郡裁減歲

幣之數如能以兄事朕冊用漢儀可以如約遼於是遣

訥格托多如金議冊禮金留托多遣訥格還謂之曰言

如不從勿復遣使 八月甲寅以童貫為太保 戊午

欽定四庫全書

新治通鑑後編

六

知兗州王純奏乞令學者治御注道德經問於其中出

論題從之 庚午詔自今學道之士許入州縣學教養

所習經以黃帝內經道德經為大經莊子列子為小經

外兼通儒書俾合為一道大經周易小經孟子其在學

中選人增置士名分入官品元士高士上士良士方士

居士逸士隱士志士每歲試經撥放州縣學道之士初

入學為道徒試中升貢同稱貢士到京入辟廡試中上

舍並依貢士法三歲大比許欄鄴就殿試當別降策問

庶得有道之士以稱招延 辛未資政殿大學士知陳

州鄧洵仁奏乞選擇道藏經數十部先火鑄板頒之州

郡道錄院看詳取旨施行又乞禁士庶婦女輒入僧寺

詔令吏部申明行下 壬申詔執政非入謝及丐去毋

得獨留奏事 乙亥升兗州為襲慶府 是月拔廐大

火自甲夜達曉大雨如傾火益熾凡焚屋五千餘間後

苑廣聖宮及官人所居幾盡焚死者甚眾 九月辛巳

大饗明堂 壬午詔罷拘白地禁權貨增方田稅添酒

欽定四庫全書

新治通鑑後編

七

價取醋息河北加折耗米東南水災強糶等事 丙戌

詔太學辟廡各置內經道德經莊子列子博士二員

戊子金主詔曰國書詔令宜選善屬文者為之其今所

在訪求博學雄才之士敦遣赴闕 己丑以歲當戌月

當壬為元命降德音于天下 庚寅門下侍郎薛昂罷

以白時中為門下侍郎王黼為中書侍郎翰林學士承

旨馮熙載為尚書左丞刑部尚書范致虛為尚書右丞

頒御注道德經刻石神霄宮 壬辰禁州郡過雜及

邊將殺降以倖功賞者 癸巳禁羣臣朋黨 丁酉用

蔡京言集古今道教事為紀志賜名道史 辛丑鄭居

中罷乞持餘服詔從之 壬寅詔視中大夫林靈素視

中奉大夫張虛白並特授本品真官 先是帝用方士

言鑄神霄九鼎名曰太極飛雲洞劫之鼎蒼壺祀天貯

醇酒之鼎山嶽五神之鼎精明洞淵之鼎天地陰陽之

鼎混沌之鼎浮光洞天之鼎靈光見耀鍊神之鼎蒼龜

火蛇蟲魚金輪之鼎至是始成奉安於上清寶籙宮之

欽定四庫全書

卷一百

八

神霄殿 閏月己未以劉棟為守靜先生視中大夫棟

辭不受 庚申詔江淮荆浙閩廣監司督責州縣還集

流民 乙亥給事中趙野奏乞諸州添置道學博士擇

本州官兼充從之 丙子詔用柴氏後已封崇義公復

立恭帝後以為宣義郎監周陵廟世世為國三恪 冬

十月己卯太白晝見 壬辰知陳州鄆洵仁奏本州學

內舍生宋瑀係故翰林學士宋祁之孫行藝清修願換

道學內舍生舊有撰到道論十篇及近撰神霄玉清萬

壽宮雅謹具獻奏呈御筆宋瑀特與志士仍許赴將來

殿試 己亥改典慶軍為肇慶府 癸卯帝如上清寶

籙宮傳度玉清神霄秘籙會者八百人時道士有俸每

一齋施動獲數十萬每一觀給田亦不下數百千頃貧

下之人多買青布幅巾以赴日得一飲餐及觀施錢三

百 甲辰置道官二十六等道職八等有諸殿侍晨校

籍授經以擬待制修撰直閣之名 戊申徽猷閣待制

提舉萬壽觀蔡條以罪勒停 長編載條許神文曰臣舉

欽定四庫全書

卷一百

九

神霄秘籙獨臣不願受於是九重始大恣因遣梁師

諭旨戒臣不許接見賓客嗚呼事既畢時謀既盡露臣

亦決知得罪矣一日臣兄來宣諭臣父將通延福宮江

路微聞閤門跨城飛道飛橋入賜第自此往來無間

君臣相親時已大毀民居數千家如驚動矣臣不勝憤

恚亟在革責力爭臣父惘然實愛惜臣猶不肯出臣兄

猶如及期昂淺臣指因下閤封府捕繫昂盡搜索其寵

苟然獨無有於是昂遂如項編管安州臣始勒往朝參

不許接見賓客又降御筆謂臣狂妄不稱分守時落職

上之前臣遂得不死始議敗新川俄而置諸光州臣父

以謂出則必陰殺之因持之久乃俾臣父上章侍勤停

令侍養遇有臨幸則出避耳今按察條之勒停史不著

其所以據條自言如此恐其間有文過之辭然宋史

不許則云依以條鍾受於京京諸親之過也 十一月已

酉朔詔改明年元曰宣和大赦天下 辛亥日中有黑

子如李大 丙辰以婉儀王氏為賢妃 丁卯茂德帝

姬下嫁蔡偉父京請免見舅姑行鹽饋之禮詔不允

己巳升梓州為潼川府 丙子提舉成都府路學事翟

栖筠奏王安石參酌古今篆隸而為之說此造道之指

南而窮經之要術也然字形書畫纖悉委曲咸有不易

之體世之學者知究其義而至於形畫則畧而不講

從俗就簡轉易偏旁傳習既殊漸失本真如期朔之類

欽定四庫全書

宋史卷一百一

十

從月股肱之類從肉勝服之類從舟丹青之類從丹靡

有不辨而今書者乃一之若此者不可勝舉故初學之

士終年誦書徒識字之近似而不知字之正形甚可歎

也願詔儒臣重加修定去其訛謬存其至當一以王安

石字說為正分次部類號為新定五經字樣頒之庠序

詔太學官集衆修定 十二月戊寅朔復京西錢監

已卯詔九鼎新名乃狂人妄有改革皆無稽據宜復舊

名狂人指王仔昔也 馬政等還自女真與其使者俱

來是日至登州登州遣赴闕政與平海指揮使呼慶隨

高藥師曹孝才以閏月六日下海繞達北岸為邏者所

執并其物奪之欲殺者屢次已而縛之行經十餘州至

金主所居安扎川來流河約三千餘里其用事人曰尼

罕曰阿呼曰烏舍尼雅滿烏舍金主之侄而阿呼其長子

也皆呼為郎君詰問海上遣使之由政以實對金主與

衆議數日遂質登州小校王美劉亮等六人發渤海人

李善慶熟女真薩都生女真布克達三人齎國書并北珠

欽定四庫全書

宋史卷一百一

十一

生金貂革人參松子同政等來報使 甲申遼議定冊

禮遣耶律訥格使金時山前諸路大饑乾顯宜錦興中

等路斗粟直數謙民削皮食之既而人相食寧昌軍節

度使劉宏以懿州戶三千降于金金以為于戶 己丑

置裕民局 丙申御筆莊周列禦寇所著書與太上真

經並行方之孔門不在孟軻揚雄下其令神霄玉清萬

壽宮使司議所以褒顯之設像並配太上祠 是歲江

淮荆浙梓州水 出宮女百七十人 黃巖民妻一座

四男子

宣和元年春正月戊申朔日下有五色雲 乙卯詔佛
改號大覺金仙餘為仙人大士之號僧為德士易服飾
稱姓氏寺為宮院為觀即住持之人為知宮觀事所有
僧錄司可改作德士司左右街道錄院可改作道德院
德士司隸屬道德院蔡攸通行提舉天下州府僧正司
可並為德士司尋又女冠為女道尼為女德時林靈素
欲廢釋氏以逞前憾請悉更其號故有是命 丁巳金

欽定四庫全書

宋史 卷一百一十五

主

使李善慶等入國門館於寶相院詔蔡京童貫及鄧文
誥見之議事補善慶修武郎薩都從義郎布克達東義郎
給金俸居十餘日遭朝議大夫直祕閣趙有開武義大
夫馬政忠翊郎王瓌充使副齋詔書禮物與善慶等渡
海聘之環師中子也初議報女真儀趙良嗣欲以國書
用國信禮有開曰女真之首止節度使世受契丹封爵
常慕中朝恨不能臣屬何必過為尊崇用詔書足矣問
善慶何如善慶曰二者皆可用惟朝廷所擇於是從有

開言有開與善慶等至登州未行而有開死會河北奏
得諜者言契丹已割遼東地封女真為東懷王且妄言
女真常祈修好并以其表關乃詔馬政等勿行止差呼
慶持登州牒送李善慶等歸 戊午以余深為太宰兼
門下侍郎王黼為特進少宰兼中書侍郎黼賜第城西
日導以教坊樂供帳什器悉取于官寵傾一時是時朝
廷已納趙良嗣之計將會金以圖燕會諜云遼主有亡
國之相黼聞畫寧正陳堯臣善丹青精人倫因薦堯臣
使遼堯臣即挾書學生二人與俱繪遼主像以歸言於
帝曰遼主望之不似人君臣謹畫其容以進若以相法
言之亡在旦夕幸速進兵兼弱攻昧此其時也并圖其
山川險易以上帝大喜取燕雲之計遂定 乙丑改渚
州為樂州 乙丑帝耕籍田 罷裕民局 封占城楊
卜麻疊為占城國王占城在中國西南所統大小聚落
一百五畧如州縣自上古未嘗通中國周顯德中始入
貢自是朝貢不絕然北與交州接壤互相侵擾及詔封

欽定四庫全書

宋史 卷一百一十五

主

為王始與交趾加恩均矣 金使烏陵噶贊謨如遼迎封冊也 二月庚辰改宣和殿為保和殿 戊戌以鄧洵武為少保 三月丁未朔遼遣蕭實訥等冊金主為東懷國皇帝 庚戌蔡京等進安州所得商六鼎已未以馮熙載為中書侍郎范致虛為尚書左丞翰林學士張邦昌為尚書右丞 詔天下知宮觀道士與監司郡縣官以客禮相見 童貫令熙河經畧使劉法取朔方法不欲行強遣之出至統安城遇夏主弟察克率步騎三陳以當法前軍而別遣精騎登山出其後大戰移七時兵饑馬渴死者甚眾法乘夜遁比明走七十里至和敏峽守兵追之法墜崖折足乃斬首而去是役也喪師十萬實隱其敗而以提聞察克見法首惻然語天下曰劉將軍前敗我庫庫里木多泉吾當避其鋒謂天生神將豈料今為一小卒梟首哉其失在恃勝輕出不可不戒遂乘勝圍震武震武在山峽中熙泰兩路不能餉自築後三歲間知軍李明益清皆為夏人所殺至是

欽定四庫全書

宋一百

主

城又將陷察克曰勿破此城留作南朝病塊乃自引去宣撫使司以提聞受賞者數百人 甲子知登州宗澤坐建神霄宮不敬除名編管 辛未賜上舍生四十五人及第 甲戌皇后親蠶 夏四月丙子朔日有食之庚寅童貫以鄜延環慶兵大破夏人平其三城辛丑進輔臣官一等 五月丙午朔京師茶肆傭展興見犬蹲榻傍近視之乃龍也軍罷作坊兵士取而食之道五日大雨如注歷七日而止京城外水高十餘丈帝懼甚命戶部侍郎唐恪決水下流入五丈河起居郎李綱言陰氣太盛當以盜賊外患為憂詔貶監沙縣稅務丁未詔德士並許入道學依道士法丙辰敗夏人於靈武 壬辰班御製九星二十八宿朝元冠服圖 是月西北有赤氣亘天 遼準布博斯齊等叛執招討使耶律鄂爾多都監蕭蘇爾特死之 六月戊寅呼慶等至金主軍前金主及尼雅滿等責以中報且言登州不當行牒呼慶對本朝知貴朝與契丹通好又以使人至登州

欽定四庫全書

宋一百

主

緣疾告終因遣慶與貴朝使臣同行欲得早到軍前權令登州移文非有他故若貴朝果不與契丹通好即朝廷定別遣使人共議金主不聽遂拘留慶等又以薩都受宋圖練使杖而奪之考異金史太祖配天輔三年六月書宋使馬政及其子宏來聘宏即擴聲之說也按先是馬政已行獨呼慶立耳金史誤書今不取壬午詔西邊武臣為經畧使者改用文臣甲申詔封莊周為徽妙元

通真君列禦寇為致虛觀妙真君仍用冊命配享混元皇帝童貫因關右既困諷夏人因遼進誓表納款已欽定四庫全書
黃治通鑑後編 卷一百

亥詔六路罷兵及夏遣使來賀天寧節授以誓詔夏使辭不取貫不能屈但遣館伴強之使持還及境棄之遁中而去賈瑛得而上之貫始大沮尋加貫太傅封涇國公時人稱蔡京為公相貫為媼相秋七月丙辰詔以蔡條向緣狂率廢點幾年念其父京元老勲在王室未忍終棄可特叙舊官外與宮觀任便居住既而京言叙不以法乞賜寢罷詔候過大禮取旨金復遣烏陵噶贊謨如遼責冊文無凡事之語不言大金而云東懷乃

小邦懷其德之義又冊文有渠材二字語涉輕侮若遜芬多截等語皆非善意殊乖體式如依前書所定然後可從遼揚詢卿羅子韋率衆降金金主命各以所部為穆琨八月戊寅詔諸路未方田處並令方量均定組課丙戌御製御書神霄玉清萬壽宮記令京師神霄宮刻記於碑以碑本賜天下如太平祥符故事摹勒立石以垂無窮已丑金頒女真字於國中女真初無文字及獲契丹漢人始通契丹漢字於是烏葉摩囉歡

欽定四庫全書
黃治通鑑後編 卷一百

固紳等學之摩囉歡兩月盡通大小字遂與鄂特本等立法定制凡與遼宋往來書問皆摩囉歡固紳主之金主因命固紳依倣漢人楷字因契丹字制度合本國語製女真字行之丁酉尚書左丞范致虛以母憂去位時朝廷欲用師契丹致虛言邊隙一開必有意外之患宰相謂其懷異竟不起復九月乙卯曲宴蔡京于保和新殿殿西南廡有玉真軒者安妃妝閣也京請見安妃帝許之命使傳旨曰雅燕酒酣添逸興玉真軒內見安

欽定四庫全書

卷一百

六

妃詔京康補成篇京即題曰保和新殿麗秋暉詔許廬凡到綺闌及至玉真軒不見安妃但畫像挂西垣京即以詩奏謝曰玉京軒檻暖如春只見丹青不見人月裏姮娥終有恨鑑中姑射未應真須臾中使詔京至玉華閣帝手持詩曰因卿有詩況姻家自當相見京曰頃緣葭莩已得拜望故敢以詩請帝大笑妃素妝而出京進前再拜叙謝妃拜京又拜翌日京作記以進 辛酉大饗明堂 癸亥幸道德院觀金芝由景龍江至蔡京第

鳴鶯堂賜京酒京訴開封尹聶山離間事山即坐絀因作鳴鶯記以進時京子攸僚倫及攸子行皆為大學士倖尚帝姪家人廝養亦居大官媵妾封夫人京每侍上恒以君臣相悅為言帝時乘輕車小輦頻幸其第命坐賜酒畧用家人禮京謝表有云主婦上壽請醕而肯從推子牽衣挽留而不却蓋實事也 丙寅蔡京奏臣伏蒙聖慈以臣夏秋疾病特命於龍德太一宮設普天大醮又親製青詞以見誠意至日臨幸醮筵別製密詞親

欽定四庫全書

卷一百

六

手焚奏仰惟異禮今昔所無殞首殺身難以仰報方京病篤人謂其必死獨晁冲之謂陸宰曰未死也彼敗壞國家至此若使晏然死牖下備極哀榮豈復有天道哉已而果愈 此據陸游家世舊聞 丁卯以蔡攸為開府儀同三司攸有寵於帝進見無時與王黼得預宮中祕戲或侍曲宴則短衫窄袴塗抹青紅雜倡優侏儒中多道市井淫媒誕浪語以獻笑取悅攸妻宋氏出入禁掖攸子行頌殿中監寵信傾其父攸嘗言於帝曰所謂人主當以四海為家太平為娛歲月能幾何豈可使自勞苦帝深納之因令苑囿皆倣江浙為白屋不施五采多為村居野店及聚珍禽異獸歡數千百以實其中都下每秋風夜靜禽獸之聲四徹宛若山林陂澤間識者以為不祥之兆 金主以遼冊禮使失期詔諸路軍過江屯駐遼乃令實納時等先持冊藁如金而後遣使送烏陵囑實謨持書以還 冬十月甲戌以紹述熙豐政事書布告天下 遼耶律陳圖努等二十餘人謀反伏誅 十一月

辛亥蔡京奏乞以神霄玉清萬壽宮觀玉真王所說玉嬰神變妙經刊印頒行從之 乙卯祀園丘赦天下

甲子詔東南諸路水災令監司郡守悉心振救 戊辰以張邦昌為尚書左丞翰林學士王安中為尚書右丞安中附童貫王黼為中丞因論蔡京罪為帝所知遂居政府 准甸旱饑民失業遣監察御史察訪 太學生鄧肅以朱勔花石綱害民進詩諷諫詔放歸田里 壬申放林靈素歸温州釋氏既廢靈素益尊重官冲和殿

欽定四庫全書

卷一百

十

侍宸出入呵引至與諸王爭道都人稱曰道家兩府靈素與道士王允誠共為怪神後忌其相軋毒之死都城暴水遣靈素厭勝方率其徒步虛城上役夫爭舉棧將擊之走而免帝知衆所怨始不樂靈素恣橫不悛道遇皇太子弗欲避太子入訴帝怒以為太虛大夫斥還故里命江端本通判温州觀察之端本廉得居處過制罪詔徙置楚州而已死遺奏至猶以侍從禮葬焉

考異長編載蔡條云久之上復思靈素使道流保明欲再召入伯氏大懼而靈素不知何故忽死矣端本乃以靈素遺表上之

曰靈素不血死按伯氏謂蔡攸也詳條此語靈素死不分明疑攸使端本殺之 十二月甲戌

詔京東東路盜賊竊發令東西路提刑督捕之 辛卯大雨雹 自政和以來帝多微行乘小轎子數內臣導從置行幸局局中稱出日為有排當次日未還則傳旨稱瘡痕不坐朝始民間猶未知及蔡京謝表有輕車小輦七賜臨幸之語自是邸報傳之四方而臣僚阿順英敢言秘書省正字曹輔上疏諫曰陛下厭居法官時乘小輦出入屋陌郊垌極遊樂而後返臣不意陛下當宗

欽定四庫全書

卷一百

十

社付託之重玩安忽危一至於此夫君之與民本以人合合則為腹心離則為楚越畔服之際在於斯須甚可畏也萬一當乘輿不戒之初一夫不逞包藏禍心雖神靈垂護然亦損威傷重矣又況有臣子不忍言者可不戒哉帝得疏出示宰臣令赴都堂審問余深曰輔小官何敢論大事輔曰大官不言故小官言之王黼陽顧張邦昌王安中曰有是事乎皆應以不知輔曰茲事雖里巷小民無不知相公當國獨不知耶曾此不知焉用彼

相輔慙令吏從輔受詞輔操筆曰區區之心一無所求
愛君而已退待罪於家輔奏不重責輔無以息浮言丙
申詔編管郴州初輔將有言知必獲罪召子紳來付以
家事乃閉戶草疏及暇怡然就道 將樂楊時初登進
士第開程顥兄弟講孔孟絕學調官不赴以師禮見顥
於潁昌相得甚歡其歸也顥目送之曰吾道南矣及顥
卒又師事程頤於洛益年四十矣一日頤偶瞑坐時與
游酢侍立不去頤既覺則門外雪深一尺矣後歷知瀏
欽定四庫全書

清治通鑑後編
卷一百一

五

遼數路其他州郡可以倚捨所以遣使人報聘者欲交
隣耳豈聞使至不以書來而以詔詔我此已非其宜使
人雖卒自合復遣止遣汝輩尤為非禮足見朝悔本欲
留汝念過在汝朝非汝罪也歸見皇帝帝若果欲結好請
早示國書或仍用詔決難從命且我嘗遣使求遼主冊
吾為帝取其國簿使人未歸爾家來通好而遼主使人
冊吾為東懷國立我為至聖至明皇帝帝吾怒其禮儀不
備又念與汝家已通好遂鞭其來使不受法駕等乃本
欽定四庫全書

清治通鑑後編
卷一百一

五

國守兩家之約不謂貴朝如此見侮汝可速歸為我言
其所以慶以是月戊戌離金主軍前朝夕奔馳從行之
人有裂膚墮指者 是歲京西饑淮東大旱遣官賑濟

嵐州黃河清 升趙州為慶源府均州為武當軍

二年春正月癸亥追封蔡確為汝南郡王 甲子罷道

學以儒道合而為一不必別置道學也 二月乙亥遣

中奉大夫右文殿修撰趙良嗣忠訓郎王環使金先是

呼慶以正月至自登州具道金主所言并其國書達于

朝廷王師中亦遣子環同慶詣童貫白事貫時受密旨圖遼欲假外援因建議遣良嗣等持御筆往仍以買馬為名其實約夾攻遼取燕京舊地第面約不齎國書夾攻之約蓋始於此考異馬攢茅齋自序云政和八年父年正月父入國門宣和元年正月呼慶等齋到女真文宇因復遣趙良嗣今考之他書其年並誤蓋攢所稱政和八年即宣和元年而所稱重和元年當作宣和元年所稱宣和元年當作宣和二年也夾攻之約實自二年始唐恪罷戊子令所在贍給淮南流民諭還之甲

午詔別修哲宗正史金主使烏陵贊謨持書及冊

欽定四庫全書

宋史卷一百

五

文副本至遼且責其乞兵于高麗遼以金人所定大聖二字與先世稱號同遣實訥將往誠金主怒謂羣臣曰遼人屢敗遣使求成惟飾虛辭以為緩師之計當議進兵乃令咸州路統軍司治軍旅修器械具數以聞將以四月進師令斜葛留兵一千鎮守棟摩以餘兵來會于渾河和議遂絕三月乙卯賜上舍生二十一人及第乙卯改熙河蘭湟路為熙河蘭廓路遼復遣實訥將以國書如金夏四月丙子詔江西廣東兩界羣

盜嘯聚添置武臣提刑路分都監各一員乙未金主自將伐遼分三路出師趣上京五月庚子朔以淑妃

劉氏為貴妃己酉日中有黑子如棗大趙良嗣等

以四月甲申至蘇州守臣高國寶迎勞甚恭會金主已

出師以是月壬子會青牛山議所向翌日良嗣等至金

主令良嗣與遼使實訥將並從軍每行數十里輒鳴角

吹笛鞭馬疾馳比明行六百五十里至上京命進攻且

謂良嗣等曰汝可親吾用兵以卜去就遂臨城督戰諸

欽定四庫全書

宋史卷一百

五

軍鼓噪而進自旦及已棟摩以麾下先登克其外城留守托卜嘉以城降良嗣等奉觴為壽皆稱萬歲金主乃還丁巳於地於方澤降德音于諸路布衣朱夢說上書論官寺權太重編管池州戊辰詔宗室有大行才術者令太宗正司以聞六月癸酉詔開封府賑濟饑民丁丑太白晝見太師魯國公神霄王清萬壽宮使蔡京屢上章乞致仕戊寅詔依所請守本官在京賜第居住仍朝朔望京專政日久公論益不與帝亦厭薄